

Ո Ր Ո Շ ՈՒ Մ N 196

վարչական գործի վարույթը կարճելու մասին

08 հուլիսի 2022թ.

ք.Գյումրի

ՀՀ ՊԵԿ Հյուսիսային մաքսատուն-վարչության պետ Հայկ Միրզոյանս, քննելով Գենադի Աբուլաշվիլիի (Վրաստանի Հանրապետության քաղաքացի, անձն. 20AA85235) կողմից մաքսային կանոնների խախտում կատարելու վերաբերյալ նյութերը

Պ Ա Ր Զ Ե Ց Ի

Գենադի Աբուլաշվիլին (Genadi Abulashvili) 01.07.2021 թվականին թիվ 05100022/010721/0000645593 մաքսային մուտքի օրդերով 365 օր ժամկետով՝ մինչև 01.07.2022 թվականը ՀՀ տարածք է ներմուծել MERCEDES BENZ SPRINTER մակնիշի, NN775MM պետհամարանիշի, WDB9016621R123343 նույնացման համարի, 2000 թվականի արտադրության ավտոմեքենա, սակայն խախտել հետագա արտահանման պարտավորությունը:

Փաստի առթիվ ՀՀ ՊԵԿ Հյուսիսային մաքսատուն-վարչության Բավրայի մաքսային կետ-բաժնի պետի տեղակալի կողմից 04.07.2022 թվականին Գենադի Աբուլաշվիլիի նկատմամբ կազմվել է մաքսային կանոնների խախտման վերաբերյալ արձանագրություն՝ ՀՀ մաքսային օրենսգրքի 199-րդ հոդվածով նախատեսված մաքսային կանոնների խախտման հատկանիշներով:

ՀՀ մաքսային օրենսգրքի 199-րդ հոդվածի 1-ին մասի համաձայն՝ հետագա արտահանման պարտավորությամբ Հայաստանի Հանրապետություն ներմուծված ապրանքները և տրանսպորտային միջոցները սահմանված ժամկետում չարտահանելը կամ հետագա ներմուծման պարտավորությամբ արտահանված ապրանքները և տրանսպորտային միջոցները սահմանված ժամկետում Հայաստանի Հանրապետություն չներմուծելը՝ առաջացնում է տուգանքի նշանակում՝ խախտման օրվա դրությամբ այդ ապրանքների և տրանսպորտային միջոցների համար «ներմուծում» ազատ

շրջանառության համար» մաքսային ռեժիմով նախատեսված մաքսային վճարների մեծության 50 տոկոսի չափով, բայց ոչ պակաս, քան 50 հազար դրամ:

Մաքսային կանոնների խախտման վերաբերյալ վարչական վարույթի շրջանակներում հարցում է կատարվել ՀՀ ՊԵԿ Ներքին անվտանգության վարչություն՝ ավտոմեքենայի սահմանահատումների վերաբերյալ տեղեկություն ստանալու նպատակով: ՀՀ ՊԵԿ Ներքին անվտանգության վարչության 08.07.2022 թվականի թիվ Ն/2-4/118750-2022 գրությամբ տրամադրված տեղեկությունների համաձայն Գենադի Աբուլաշվիլին 01.07.2021 թվականին Բավրայի սահմանային անցակետով ՀՀ է ներմուծել MERCEDES BENZ SPRINTER մակնիշի, NN775MM պետհամարանիշի ավտոմեքենա, որը 05.07.2021 թվականին Բագրատաշենի մաքսային կետով արտահանել է ՀՀ-ից:

Այսպիսով, վարչական վարույթի նյութերով հիմնավորվում է, որ Գենադի Աբուլաշվիլիի գործողություններում բացակայում է իրավախախտման դեպքը:

Ելնելով վերոգրյալից և ղեկավարվելով ՎԻՎ ՀՀ օր-ի 247-րդ հոդվածի 1-ին մասով, ՀՀ մաքսային օրենսգրքի 221-րդ հոդվածի 1-ին կետի «բ» ենթակետով՝

Ո Ր Ո Շ Ե Ց Ի

1. Գենադի Աբուլաշվիլիի նկատմամբ վարչական գործի վարույթը կարճել իրավախախտման դեպքի բացակայության պատճառաբանությամբ:
2. Որոշման մասին հայտնել Գենադի Աբուլաշվիլիին:

ՀՅՈՒՍԻՍԱՅԻՆ

ՄԱՔՍԱՏՈՒՆ-ՎԱՐՉՈՒԹՅԱՆ ՊԵՏ

Հ.ՄԻՐԶՈՅԱՆ